

SARS YI RHAMBA MIEHLEKETO YA VANHU EKA DOKHUMENTE LEYI NGA TSARIWA HI VUNTHSWA YA EKISAYIZI

Pretoria, 5 Nyenyankulu 2019 - Ku landzela xitiviso xa sweswinyana eka Mpimanyeto wa 2019, Vukorhokeri bya Xibalo bya Afrika-Dzonga (SARS) byi hlengeletile dokhumente ya nkanelo leyi nga [tsariwa hi vuntshwa ya ekisayizi](#) ku yisa emahlweni phurosese yo mpfapfarhuta hi vuntshwa rimba ra nawu wa ekisayizi.

Dokhumente ya nkanelo yi hlamusela swiphemu leswi tekeriwaka enhlokweni emisaveni hinkwayo swa vufambisi bya ekisayizi ehenhla ka nxopaxopo wun'wana na wun'wana lowu ekisayizi yi nga ta pimiwa eka wona. Nsimeko na endlelo ra sweswi ra sisiteme ya xibalo-exihlobyeni (DAS) ya vufambisi bya ekisayizi swi nyika vundzeni eka nxopaxopo eka nawu wa ekisayizi. Swihoxo swin'wana swin'wana eka nawu wa sweswi mayelana na ku nyikiwa ka layisense eka DAS, tinkota, nhlelelo na mbhasiso wa swibalo swa ekisayizi swi boxiwile leswaku swi hundzuluxiwa. Mfananiso wa matiko yo hambanahambana wu tlhele wu kombisa swikombiso swa misava hinkwayo swa mihlawulo yo vumba hi vuntshwa. Makumu, nkatsakanyo wa mahetelelo wu kombisa makungu lawa SARS yi wa seketelaka.

Dokhumente ya nkanelo yi kongomanile no kuma mavonelo na miehleketo ku suka eka vumaki lebyi khumbhekaka lebyi tumbuluxaka, tirhisaka, tundzaka no amukela ku suka ematikwenimambe tinhundzu leti hakerisiwaka ekisayizi, ku katsa na ku suka eka vakhumbheki va ekisayizi hi ku anama. Eku hetisiweni ka nkarhi wo nyika mavonelo hi mani na mani naswona loko mavonelo ya phuroseseiwile, SARS yi lava ku tshunelela muyimeri wa mihlangano ya vumaki na tindzawulo ta mfumo leti faneleke ku burisana ku ya emahlweni eka makungu yalawo yo vumba hi vuntshwa lawa ya lavaka miehleketo yo engetelela na ntengiso.

Vakhumbheki va rhambiwa ku rhumela miehleketo na mavonelo ya vona hi ti 31 Mudyaxihi 2019 ku kongoma eka Manana Samantha Authar, ku nga va hi ndlela ya xielekitironiki eka C&E_legislativecomments@sars.gov.za, kumbe hi manyuwali ku kongoma eka South African Revenue Service, Private Bag X923, Pretoria, 0001.